

四庫全書

集部

欽定四庫全書

集部

御定佩文齋詠物詩選卷
三十四至
四十二

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣陸湘

謄錄監生_臣李杜華

欽定四庫全書

御定佩文齋詠物詩選卷三十四

人日類

五言古

正月七日登高侍宴

壯齊

陽休之

廣殿麗年輝上林起春色風生拂彫輦雲迴浮綺翼

和人日晚景宴昆明池

北周

庾信

春餘足光景趙李舊經過上林柳腰細新豐酒徑多小

船行釣鯉新盤待摘荷蘭臯徒稅駕何處有凌波

人日思歸

隋薛道衡

入春纔七日離家已二年人歸落鴈後思發在花前

人日城南登高

唐韓愈

初正候纔兆涉七氣已弄靄靄野浮陽暉暉水披凍聖
朝身不廢佳節古所用親交既許來子姝亦可從盤蔬
冬春雜樽酒清濁共令徵前事為觴詠新詩送扶杖凌
圯陟刺船犯枯葑戀池羣鴨迴釋嶠孤雲縱人生本坦

蕩誰使妄倥傯直指桃李闌幽尋寧止重

七言古

軍中人日登高贈房明府

唐
宋之問

幽郊昨夜陰風斷頓覺朝來陽吹暖
涇水橋南柳欲黃
杜陵城北花應滿
長安昨日寄春衣
短翮登茲一望歸
聞道凱旋乘騎入
看君走馬見芳菲

五言律

人日剪綵

唐
張九齡

姹女矜容色為花不讓春
既爭芳意早誰待物華真
葉作參差發枝從點綴新
自然無限態長在艷陽辰

人日

唐

杜甫

元日到人日未有不陰時
冰雪鶯難至春寒花較遲
雲隨白水落風振紫山悲
蓬鬢稀疏久無勞比素絲

新年

宋

蘇軾

曉雨暗人日春愁連上元
水生挑菜渚煙濕落梅邨
小市人歸盡孤舟鶴踏翻
猶堪慰寂莫漁火亂黃昏

五言排律

人日立春林民部宅觀伎

明 吳 兆

雙節值新年東風裊伎筵
土牛官鼓逐彩燕
內人傳杏子裁衫薄
梅花點額圓歌深眉黛蹙
酒重臉紅妍香霧迷窗鳳
金屏映柱蓮尚書舊東第
賓客喜重延

七言律

人日重宴大明宮恩賜綵縷人勝應制

唐 鄭 曄

瓊殿含光映早輪
玉鑾嚴蹕望初晨
池開凍水仙宮麗
樹發寒花禁苑新
佳氣徘徊籠細網
殘雲淅瀝染輕塵
良時荷澤皆迎勝
窮谷晞陽猶未春

奉和人日讌大明宮恩賜綵縷人勝應制

唐
馬懷素

萬宇千門平旦開
天容辰象列昭回
三陽候節金為勝
百福迎祥玉作杯
就暖風光偏著柳
辭寒雪影半藏梅
何幸得參詞賦職
自憐終乏馬卿才

人日侍宴大明宮應制

唐 趙彥昭

寶契無為屬聖人，
凋輿出幸玩芳辰。
平樓半入南山霧，
飛閣旁臨東墅春。
夾路濃花千樹發，
垂軒弱柳萬條新。
處處風光今日好，
年年願奉屬車塵。

奉和人日重宴大明宮恩賜綵縷人勝應制

唐 崔日用

新年宴樂正東朝，
鐘鼓鏗鏘大樂調。
金屋瑤筐開寶勝，
花牋綵筆頌春椒。
曲池苔色冰前液，
上苑梅香雪裏飄。

宸極此時飛聖藻微臣竊抃預聞韶

人日侍宴大明宮恩賜綵縷人勝應制

唐

李嶠

鳳城景色已含韶人日風光倍覺饒
桂吐半輪迎此夜
蓂開七葉應今朝
魚猜冰凍行猶澀
鶯喜春熙弄欲嬌
愧奉登高搖綵翰
欣逢御氣上丹霄

人日重宴大明宮恩賜綵縷人勝應制

唐

李乂

詰且行春上苑中憑高却下大明宮千年執象震瀛泰
七日為人慶賞隆綵鳳曾騫搖瑞雪銅烏細轉入祥風
此時朝野歡無算此歲雲天樂未窮

人日重宴大明宮恩賜綵縷人勝應制

唐

沈佺期

拂旦雞鳴仙衛陳憑高龍首帝城春千官黼帳杯前壽
百福香奩勝裏人山鳥初來猶怯囀林花未發已偷新
天文正應韶光轉設報懸知用此辰

人日宴大明宮恩賜綵縷人勝應制

唐

李適

朱城待鳳韶年至碧殿疏龍淑氣來寶帳金屏人已貼
圖花學鳥勝初裁林香近接宜春苑山翠遙添獻壽杯
向夕憑高風景麗天文垂耀象昭回

人日

唐

杜甫

此日此時人共得一談一笑俗相看尊前柏葉休隨酒
勝裏金花巧耐寒佩劒衝星聊暫拔匣琴流水自須彈

早春重引江湖興直道無憂行路難

人日即事

唐
李商隱

文王喻復今朝是子晉吹笙此日同舜格有苗旬太遠
周稱流火月難窮鏤金作勝傳荆俗剪綵為人起晉風
獨想道衡詩思苦離家恨得二年中

人日有懷愚齋張兄緯文

金
元好問

書來聊得慰懷思清鏡平明見白髭明月高樓燕市酒
梅花人日草堂詩風光流轉何多態兒女青紅又一時

澗底孤松二千尺殷勤畱看歲寒枝

人日立春

元 趙孟頫

今年人日與春并人得春來喜氣迎
宮柳風微金縷重御溝冰泮玉鱗生
陰消已覺餘寒散陽長爭看曉日明
霜鬢綠旂渾不稱強題新句慰羈情

人日書懷

元 元淮

麗日池塘凍水消嫩紅嬌白見芳苗
郊原雪霽東風軟籬落梅殘碧玉彫
便好踏青穿細草不妨攜酒驟鳴鑣

遙憐九曲沙堤畔多少鶯黃上柳條

人日從駕幸南郊梁贊善以詩東寄因和之

明
胡儼

紫陌雞鳴遠報晨百官朝罷出楓宸
龍旗夾道先傳警鳳輦行春不動塵
禮樂幸逢全盛日耕桑俱是太平人
千門萬戶東風暖勝裏金花剪綵新

人日

明
薛蕙

暉暉晴日透簾帷冉冉和風颺鬢絲
野老自傾田舍酒

故人誰寄草堂詩即看梅柳春含早預想鶯花景不遲
旋鬻園蔬辦家釀剩揀酩酊艷陽時

五言絕句

人日代客子是日立春

唐張繼

人日兼春日長懷復短懷遙知雙綵勝併在一金釵

七言絕句

人日立春

唐盧仝

春度春歸無限春今朝方始覺成人從今克已應猶及

願與梅花俱自新

御定佩文齋詠物詩選卷三十四

欽定四庫全書

御定佩文齋詠物詩選卷三十五

上元類

五言古

上元夜效小庾體同用春字

唐長孫正隱

薄晚嘯遊人車馬亂驅塵月光三五夜燈燄一重春煙
雲迷北闕簫管識南鄰洛城終不閉更出小平津

上元夜

宋蘇軾

前年侍玉輦端門萬枝燈壁月挂呆愚珠星綴觚稜去
年中山府老病亦宵興牙旗穿夜市鐵馬響春冰今年
江海上雲房寄山僧亦復舉膏火松間見層層散策枕
榔林林疎月崩髻使君置酒罷簫鼓轉松陵狂生來索
酒一舉輒數升浩歌出門去我亦歸曹騰

七言古

上元作

宋
孔平仲

春來霧雨久不收上元三日月如秋傾城娛樂競沽酒

舊歲豐登仍足油樓前燈山燒荻火光影動搖桑落州
太守憑高列歌吹遊人哄笑觀俳優銅盤貯煤插烏帽
從兵小吏斥下樓侍觴行食皆官伎目眙不言語或偷
短長赤白皆莫校但取一笑餘何求譬如飲酒且為樂
不問甘苦醉即休歸來紉如打五鼓春寒慘慘吹駝裘
羣兒嬉戲尚未寢更看紫姑花滿頭

五言律

軒遊宮十五夜

唐
明 皇

金步四
卷三十五
行邁離秦國
巡方赴洛師
路逢三五夜
春色暗中期
關外長河轉
宮中淑氣遲
歌鐘對明月
不減舊遊時

上元

唐
郭利正

九陌連燈影
千門度月華
傾城出寶騎
匝路轉香車
爛熳惟愁曉
周遊不問家
更逢清管發
處處落梅花

正月十五夜應制

唐
孫逖

洛城三五夜
天子萬年春
綵仗移雙闕
瓊筵會九賓
舞成蒼頡字
燈作法王輪
不覺東方日
遙垂御藻新

正月十五夜

唐 蘇味道

火樹銀花合，星橋鐵鎖開。
暗塵隨馬去，明月逐人來。
遊妓皆穠李，行歌盡落梅。
金吾不禁夜，玉漏莫相催。

正夜侍宴應詔

唐 薛曜

重關鐘漏通，夕敞鳳皇宮。
雙闕祥煙裏，千門明月中。
酒杯湛露，歌曲唱流風。
侍臣咸醉止，恒慚恩遇崇。

十五夜觀燈

唐 王 諲

暫得金吾夜，通看火樹春。
停車傍明月，走馬入紅塵。
妓

雜歌偏勝場移舞更新應須盡記取說向不來人

正月十五日夜

唐白居易

歲熟人心樂朝遊復夜遊春風來海上明月在江頭燈
火家家市笙歌處處樓無妨思帝里不合厭杭州

上元唱和

唐溫庭皓

九枝應並耀五夜思悠然景集青山外螢分碧草前輝
華侵月影歷亂寫星躔望極高樓上搖光滿綺筵

觀山燈獻徐尚書

唐段成式

風少影零亂露輕光陸離如霞散仙掌似燒上峨眉道
樹千花發扶桑九日移因山成衆象不復藉蟠螭

元夕午門賜觀燈

明金善

五夜開闔闔千官列珮珂御煙浮寶篆華月送清歌歲
久君恩重時平樂事多金吾知不禁試問夜如何

元夕同李伯承高伯宗賦得火樹銀花合

明張九一

火樹排虛上銀花入暗開一宵春色到萬戶夜光來對

月驚飄桂臨風擬落梅莫辭歸去晚攜得艷陽回

五言排律

十五夜遊

唐 蘇味道

今夕重門啓遊春得夜芳月華連晝色燈影雜星光
南陌青絲騎東鄰紅粉粧管絃遙辨曲羅綺暗聞香
人擁行歌路車攢闌舞場經過猶未已鐘鼓出長楊

奉和聖製十五夜燃燈繼以酺宴應制

唐 王維

上路笙歌滿春城刻漏長遊人多晝日明月讓燈光魚
鑰通翔鳳龍輿出建章九衢陳廣樂百福透名香仙妓
來金殿都人繞玉堂定應偷妙舞從此學新粧奉引迎
三事司儀列萬方願將天地壽同以獻君王

上元紀吳下節物俳諧體三十二韻

宋

范成大

斗野豐年屢吳臺樂事并酒壚先疊鼓燈市蚤投瓊價
喜膏油賤祥占雨雪晴竇當仙子洞齒蓄化人城檣炬

疑龍見橋星訝鵲成小家厖獨踞高閑鹿雙撐屏展輝
雲母簾垂晃水精萬窗花眼密千隙玉虹明蒼荀丹房
挂葡萄綠蔓縈方纈繙史冊圓魄綴門衡擲燭騰空穩
推毬袞地輕映光魚隱見轉影騎縱橫輕薄行歌過顛
狂社舞呈邛田蓑笠野街市管絃清里巷分題句官曹
別扁名旱船遙似泛水偶近如生鉗楮裝牢戶嘲嗤繪
樂棚堵觀瑤席隘喝道綺叢爭禁鑰通三鼓歸鞭任五
更桑蠶春繭勸花蝶夜蛾迎鳧子描丹筆鵞毛剪雪英

寶糖珍拒妝烏膩美飴錫撚粉團藥意熬穉膈膊聲筵
簞巫志怪香火婢輸誠帚卜拖裙驗箕詩落筆驚微如
針屬尾賤及葦分莖末俗難訶止佳辰且放行此時紛
僕馬有客靜柴荆幸甚歸長鋏居然照短檠生涯惟病
骨節物尚鄉情倚撫成俳體咨詢逮里毗誰修吳地志
聊以助譏評

七言律

上元夜建元寺觀燈呈通智上人

唐
無名氏

建元看列上元燈處處迴廊闌火層珠玉亂拋高殿佛
綺羅深拜遠山僧臨風走筆思呈惠到曉行禪合伴能
無限喧闐畱不得月華西下露華凝

依韻和張推官元夕

宋
文同

山郡上元榮樂事大開金地作遨場煙雲向曉誰教霽
燈燭乘春自有香紫陌熒煌隨步遠綵棚佳麗闌眉長
遊人莫惜酬高直買取銀蟾一寸光

次韻何若谷都官燈夕

宋 趙 抃

千門燈燭事遨遊，車馬通宵不暫休。
幸免煙氛遮皓月，任隨笳鼓雜鳴騶。
金壺漏下丁丁永，玉笋霞生灑灑流。
帝澤遠臨人鼓腹，願川宜有太平謳。

元夜

宋 朱淑真

月滿今宵霽色澄，深沈簾幕管絃清。
誇毫闔彩連仙館，墜翠遺珠滿帝城。
一派笑聲和鼓吹，六街燈火樂昇平。
歸來禁漏餘三四，窗上梅花瘦影橫。

上元宿通州楊原誠寓宅

元 張翥

禁城東下一川平
杳杳煙蕪淡淡晴
風滾暗塵羊角轉
水披殘凍鴨頭生
離居有酒春堪醉
小市無燈月當明
還憶故園今夕賞
玉人花底共吹笙

次韻李清叔元夕

元 貢師泰

絳燭燒煙散滿城
九衢車馬似潮聲
山河影轉琉璃薄
陸海光浮齒齒平
蝶睡誤翻歌扇暖
鵲驚疑報畫檐晴
夜闌人靜天如水
依舊殘星數點明

上元十五夜

明
劉英

一派春聲送管絃
九衢燈燭上薰天
風回鰲背星毳亂
雲散魚鱗璧月圓
逐隊馬翻塵似海
踏歌人盼夜如年
歸遲不屬金吾禁
爭覓遺簪與墜鈿

元夕應制

明
趙迪

龍樓錫宴月初斜
寶炬星分照翠華
五夜歌鐘連甲第
千門燈火映皇家
錦筵人醉飄金縷
羅綺春晴散彩霞
自是宸遊多樂事
叨陪幾度賜宮花

甲辰元夕

明
李 漁

寶玦金貂簇繡鞍，傾城士女競追歡。
宣和舊俗燈偏盛，汴水新春夜不寒。
人海湧來喧笑語，車雷轟處恣遊盤。
太平景象君須記，天漢橋邊立馬看。

七言絕句

上元夜

唐
崔 液

玉漏銅壺且莫催，鐵關金鎖徹明開。
誰家見月能閒坐，何處聞燈不看來。

其二

神燈佛火百輪張
刻像圖形七寶裝
影裏如聞金口說
空中似散玉毫光

其三

今年春色勝常年
此夜風光最可憐
鵲樓前新月滿
鳳皇臺上寶燈燃

其四

金勒銀鞍控紫驕
玉輪珠幃駕青牛
驂驪始散東城曲

倏忽還來南陌頭

其五

公子王孫意氣驕
不論相識也相邀
最憐長袖風前弱
更賞新絃暗裏調

其六

星移漢轉月將微
露灑煙飄燈漸稀
猶惜道傍歌舞處
踟躕相顧不能歸

十五夜御前口號踏歌詞

唐
張說

花萼樓前雨露新
長安城裏太平人
龍銜火樹千重燄
雞踏蓮花萬歲春

其二

帝宮三五戲春臺
行雨流風莫妒來
西域燈輪千影合
東華金闕萬重開

正月十五日

唐
熊孺登

漢家遺事今宵見
楚郭明燈幾處張
深夜行歌聲絕後
紫姑神下月蒼蒼

上元都下

宋張耒

淡薄晴雲放月華
晚粧新暈臉邊霞
管絃樓上爭沽酒
巧笑車頭旋買花

其二

驕馬金鞍白面郎
雙環小女坐車箱
輪聲轆轤歸何處
畱得紅籠絳蠟香

上元侍飲樓上呈同列

宋蘇軾

澹月疎星遠建章
仙風吹下御爐香
侍臣鵠立通明殿

一朵紅雲捧玉皇

其二

老去行穿萬馬羣
九衢人散月紛紛
歸來一點殘燈在
猶有傳柑遺細君

燈夕時在泗水上

宋
朱松

燈花作意照歸人
短棹扁舟寂莫濱
帝力如春蘇萬物
遙知太乙不威神

其二

雲窗月檻仰乘輿
俯看香車出繡襦
九陌人人歌帝力
不須微服過康衢

元夕

金元好問

花影燈光一萬重
青衫驄馬踏東風
彰陽舊事無人記
二十三年似夢中

上元日

元范梈

蓬萊宮闕峙青天
後內看燈記往年
誰念東籬山下路
再逢春月向人圓

元夕

元
吳師道

柳臺梅巷鎖春晴
酒思燈光負賞心
聽徹宣和太平曲
獨看明月到更深

元宵

元
鄭玉

對簇龍山十萬人
皇都今夕幾分春
六街三市渾如畫
寄語金吾莫夜巡

其二

市上燈張玉井蓮
門前簫鼓更喧天
先生嬾向兒童語

閉戶高居但欲眠

元宵偶作

元 錢惟善

彈壓城池夜屬橐放燈那復事奢豪水晶宮裏香風細
曾見神山駕六鼇

汴中元夕

明 李夢陽

中山孺子倚新粧鄭女燕姬獨擅場齊唱憲王新樂府
金梁橋外月如霜

其二

細雨燒燈夜色新
酒樓花市不勝春
和風欲動千門月
醉殺東西南北人

都城元夕

明
劉侃

一夕春從天上回
六街火樹徹明開
叮嚀莫似吹蘆管
纔報梅開又落梅

御定佩文齋詠物詩選卷三十五

欽定四庫全書

御定佩文齋詠物詩選卷三十六

花朝類

七言律

花朝張太學西園小集

明
陸之裘

雨霽名園春事芳
蘭臺小集暮行觴
愆期肯使花神笑
縱飲誰嗔草聖狂
入坐微風含楚佩
照人明月墮匡牀
行歌亦有穿雲調
隔水遙傳陌上桑

花朝

明
吳稼登

日氣朝清池上波
交交啼鳥傍池多
三春花事終難負
二月風光半未過
土俗歲時存舊記
閨人單袂製輕羅
正憐一樹櫻桃放
桃李相催奈若何

仲雪見示花朝詩依韻奉和

明
錢謙貞

春色平分已自奢
今朝風物更鮮華
山因綠柳常含雨
天為紅桃不放霞
芳草齊時看寶馬
好風多處見香車
賤天有事君知否
要乞輕陰為養花

七言絕句

花朝

明
王 衡

晴煙膏露若為容
躑躅香苞望曉紅
莫怨五更風色惡
開花原是落花風

花朝

明
湯顯祖

妒花風雨怕難銷
偶逐晴光撲蝶遙
一半春隨殘夜醉
却言明日是花朝

御定佩文齋詠物詩選卷三十六

欽定四庫全書

御定佩文齋詠物詩選卷三十七

社日類

五言古

社前遭田父泥飲美嚴中丞

唐

杜甫

步屨隨春風邛邛自花柳田翁逼社日邀我嘗春酒酒
酣誇新尹畜眼未見有迴頭指大男渠是弓弩手名在
飛騎籍長番歲時久前日放營農辛苦救衰朽差科沒

則已誓不舉家走今年大作社拾遺能住否叫婦開大
瓶盆中為吾取感此氣揚揚須知風化首語多雖雜亂
說尹終在口朝來偶然出自卯將及酉久客惜人情如
何拒鄰叟高聲索果栗欲起時被肘指揮過無禮未覺
邛野醜月出遮我畱仍嗔問升斗

七言古

春社祠

明
瞿佑

十日一風五日雨社前拜祝神已許瓦盆潑潑斟濁醪

高組縱橫薦肥豕鳴鳴笛聲坎坎鼓哩曲山歌互吞吐
老巫狡獪神有靈傳得神言為神舞祭餘分肉巫自與
醉裏狂言相爾汝小兒覓餅大兒扶頭上神花付鄰女

五言律

社日

唐
杜 甫

九農成德業百祀發光輝報效神如在馨香舊不違南
翁巴曲醉北鴈塞聲微尚想東方朔詼諧割肉歸

今朝當社日

宋
戴復古

今朝當社日明日是花朝佳節惟宜飲東池適見招綠
深楊柳重紅透海棠嬌自笑鬢邊雪多年不肯消

社前

宋謝翱

無家借燕住離別又經年客館依山上春分到社前雨
來換宿水雲起暗晴川颯颯吹衣帶因風問去船

七言律

乙酉社日偶題

宋楊萬里

愁邊節裏雨相關茶罷呼兒檢歷看社日雨多晴較少

春風晚暖曉猶寒也知散策郊行去其奈緣谿路未乾
綠暗紅明非我事且尋野蕨作蔬盤

社日僧舍風雨

宋

劉宰

借蔬香積共晨炊客裏良辰總不知孺子從渠均胙肉
南翁無處聽巴詞神鴉得志飽終日巢燕無心來及時
風雨聒人聾轉甚半鍾濁酒可能治

社日

明

甘瑾

楓樹林邊雨脚斜兒童祈賽競喧譁雞豚上戊家家酒

鶯燕東風處處花
野徑歸時扶醉客
叢祠祭罷集神鴉
瀕湖生意愁多潦
預祝汙邪載滿車

社日出遊

明方太古

邛邛社鼓隔谿聞
賽祀歸來客半醺
水緩山舒逢日暖
花明柳暗值春分
平田白洫流新雨
絕壁青楓挂斷雲
策杖提壺隨所適
野夫何不可同羣

七言絕句

社日

唐張演

鶯湖山下稻梁肥
豚柵雞棲對掩扉
桑柘影斜春社散
家家扶得醉人歸

春社

宋
陸游

太平處處是優場
社日兒童喜欲狂
且看參軍喚蒼鶻
京都新禁舞齋郎

社日

宋
方岳

燕子今年惜社來
翠瓶猶有去年梅
丁寧莫管杏花俗
付與春風一道開

社中

明
陳憲章

桑林伐鼓酒如川
秋社錢多春社錢
盡道昇平長官好
五風十雨更年年

其二

社屋新成燕子來
山丹未落野棠開
三三兩兩兒童戲
弄水扳花日幾回

其三

社酒開顏一百家
春風先動長官衙
東君也解遊人意

紅白交開樹樹花

社日

明
石 珪

春風簾幕駐晴雲
社酒杯深我對君
燕子未來花不語
綠蕪寒雀共斜曛

御定佩文齋詠物詩選卷三十七

欽定四庫全書

御定佩文齋詠物詩選卷三十八

寒食類

五言古

六年寒食洛下宴遊贈馮李二少尹

唐
白居易

豐年寒食節美景洛陽城
三尹皆強健七日盡清明
東郊踏青草南園攀紫荊
風折海榴艷露墜木蘭英
假開

春未老宴合日屢傾珠翠混花影管絃藏水聲佳會不
易得良辰亦難并聽吟歌暫輟看舞杯徐行米價賤如
土酒味濃于餠此時不盡醉但恐負平生殷勤二曹長
各捧一銀觥

七言古

初入秦川路逢寒食

唐明皇

洛陽芳樹映天津灞岸垂楊窣地新直為經過行樂地
不知虛度兩京春去年餘閨今年早曙色和風著花草

可憐寒食與清明光輝並在長安道自從闌路入秦川
爭道何人不戲鞭公子途中妨蹴鞠佳人馬上廢鞦韆
渭水長橋今欲度怱怱漸見新豐樹遠看驪岫入雲霄
預想湯池起煙霧煙霧氤氲水殿開暫拂香泉歸去來
今歲清明行已晚明年寒食更相陪

寒食陸渾別業

唐 宋之問

洛陽城裏花如雪陸渾山中今始發旦別河橋楊柳風
夕臥伊川桃李月伊川桃李正芳新寒食山中酒復春

野老不知堯舜力
酣歌一曲太平人

奉和聖製初入秦川路寒食應制

唐張說

上陽柳色喚春歸
臨渭桃花拂水飛
總為朝廷巡幸去
頻教京洛少光輝
昨從分陝山南口
馳道依依漸花柳
入關正投寒食前
還京遂落清明後
路上天心重豫遊
御前恩賜特風流
便幕那能鏤雞子
行宮善巧貼毛裘
渭橋南渡花如撲
麥壠青青斷人目
漢家行樹直新豐

秦地驪山抱溫谷香池春溜水初平預歡浴日照京城
今歲隨宜過寒食明年陪宴作清明

寒食城東即事

唐王維

清谿一道穿桃李演漾綠蒲涵白芷谿上人家凡幾家
落花半落東流水蹴踘屢過飛鳥上鞦韆競出垂楊裏
少年分日作遨遊不用清明魚上已

五言律

寒食應制

唐韋承慶

鳳城春色晚龍禁早暉通舊火收槐燼餘寒入桂宮鶯啼正隱葉雞園始開籠藹藹瑤山滿仙歌始樂風

寒食清明早赴王門率成

唐李嶠

遊客趨梁邸朝光入楚臺槐煙乘曉散榆火應春開日帶晴虹上花隨早蝶來雄風乘令節餘吹拂輕灰

和常州崔使君寒食夜

唐孫逖

聞道清明近春庭向夕闌行遊盡不厭風物夜宜看斗柄更初轉梅香暗裏殘無勞秉華燭晴月在南端

寒食

唐
杜甫

寒食江邛路風花高下飛
汀煙輕冉冉竹日淨暉暉
田父要皆去鄰家開不違
地偏相識盡雞犬亦忘歸

寒食

唐
王建

田舍清明日家家出火遲
白衫眠古巷紅索搭高枝
紗帶生難結銅釵重欲垂
斬新依踏盡還似去年時

寒食宴城北山池

唐
羊士諤

別館青山郭遊人折柳行
落花經上已細雨帶清明
鶉

鳩流芳暗駕鶯曲水平歸心何處醉寶瑟有餘聲

雨中寒食

羊士諤

令節逢煙雨圍亭但掩關佳人宿粧薄芳樹綠繩間歸
思偏消酒春寒為近山花枝不可見惆悵灞陵間

寒食行次冷泉驛

唐李商隱

歸途仍近節旅宿倍思家獨夜三更月空庭一樹花介
山當驛秀汾水遶關斜自怯春寒苦那堪禁火賒

東都寒食

唐陳潤

江南寒食早二月杜鵑鳴日暖山初綠春寒雨欲晴浴
蠶看社日改火待清明更喜瓜田好令人憶邵平

寒食日作

宋 徐鉉

廚冷煙初禁門開日更斜東風不好事吹落滿庭花過
社紛紛燕新晴淡淡霞京都盛遊觀誰訪子雲家

寒食

宋 王禹偁

寒食江都郡青旗賣楚醪樓臺藏綠柳籬落露紅桃妓
女穿輕屐笙歌泛小舫使君慵不出愁坐讀離騷

寒食

宋 陳與義

草草隨時事蕭蕭傍水門
濃陰花照野寒食柳圍邨
客袂空佳節鶯聲忽故園
不知何處笛吹恨滿清尊

寒食郊行書事

宋 范成大

野店垂楊步荒祠苦竹叢
鷺窺蘆泊水鳥啄紙錢風
媿引紅粧女兒扶爛醉翁
深邨好時節應為去年豐

其二

隴麥欣欣綠山桃寂寂紅
帆邊魚鮓浪木末酒旗風
信

步隨芳草迷塗問小童
賞心添脚力呼渡過谿東

南塘寒食書事

宋 范成大

埂外新波綠岡頭宿燒紅
裹魚蒸菜把餽鴨鎖筠籠酒
侶晨相命歌場夜不空
土風并節物不與故鄉同

寒食旅懷

明 謝 榛

薊北驚寒食淹畱幾自嗟
春風來燕子落日在桃花
丘壠行邊淚江湖夢裏家
不知疎懶客何物是生涯

江邨寒食

明 宋 登春

白鳥忘機久青山吾道存興來從杖履老去愛雞豚楊柳橋邊市桃花江上邨童兒沽酒至風雨閉柴門

五言排律

奉和聖製寒食作應制

唐張說

寒食春過半花濃鳥復嬌從來禁火日曾接清明朝闔
敵雞殊勝爭毬馬絕調晴空數雲點香樹百風搖改木
迎新燧封田表舊燒皇情愛嘉節傳曲與簫韶

洛橋寒食日作十韻

唐白居易

上苑風煙好中橋道路平蹴毬塵不起潑火雨新晴宿
醉頭仍重晨遊眼乍明老慵雖省事春誘尚多情遇客
踟躕立尋花取次行連錢嚼金勒鑿落寫銀罌府醞休
教送官娃豈要迎舞腰那及柳歌舌不如鶯鄉國真堪
戀光陰可合輕三年過寒食盡在洛陽城

七言律

寒食宴于中舍別駕兄弟宅

唐蘇頲

子推山上歌龍罷定國門前結駟來始覩元昆鏘玉至

旋聞李子佩刀迴晴花處處因風起御柳條條向日開
自有長筵歡不極還持綵服詠南陔

寒食內宴

唐 張 籍

朝光瑞氣滿宮樓綵繡魚龍四面稠廊下御廚分冷食
殿前飛騎逐香毬千官盡醉猶教坐百戲皆呈未放休
共喜拜恩侵夜出金吾不敢問行由

其二

城闕沈沈向曉寒恩當冷節賜餘歡瑞煙深處開三殿

香雨微時引百官
寶樹樓前分繡幕
綠花廊下映朱欄
宮筵戲樂年年別
已得三迴對御看

寒食

唐
李山甫

風煙放蕩花披猖
秋千女兒飛出牆
繡袍馳馬拾遺翠
錦袖闌雞喧廣場
天地氣和融霽色
池臺日暖燒春光
自憐塵土無他事
空脫荷衣泥醉鄉

次韻酬張補闕寒食見寄之什

唐
鄭谷

柳近清明翠縷長多情右袞不相忘開緘雖覩新篇麗
破鼻須聞冷酒香時態懶隨人上下花心日被蝶分張
朝稀且莫輕春賞勝事由來在帝鄉

寒食前有懷

唐
溫庭筠

萬物鮮華雨乍晴春寒寂歷近清明殘芳在苒雙飛蝶
曉睡朦朧百轉鶯舊侶不歸成獨酌故園雖在有誰耕
悠然更起嚴灘恨一宿東風蕙草生

寒食成判官垂訪因贈

宋
徐鉉

常年寒食在京華
今歲清明在海涯
遠巷踏歌深夜月
隔牆吹管數枝花
鵲鸞得路音塵濶
鴻鴈分飛道里賒
不是多情成二十
斷無人解訪貧家

寒食

宋

王禹偁

今年寒食在商山
山裏風光亦可憐
稚子就花拈蛺蝶
人家依樹繫鞦韆
郊原曉綠初經雨
巷陌春陰乍禁煙
副使官閒莫惆悵
酒錢猶有撰碑錢

次韻何若谷寒食燕集

宋

趙抃

雨過江城絕點塵，清明佳節匝千門。
舞香撲坐花新戴，歌響盤雲曲旋翻。
幾欲為春畱日，馭直須同俗醉衢尊。
因思老氏登臺樂，若此斯民未足論。

寒食出郊

宋

韓維

都門氣象雨餘佳，歷盡風塵見草芽。
日薄風和近郊路，朱紅粉白遠林花。
堤間獨去嬾姍女，柳下相逢輕輓車。
絲鬢未催樽酒在，不須辛苦問年華。

和子由寒食

宋

蘇軾

寒食今年二月晦樹林深翠已生煙遠城駿馬誰能借
到處名園意盡便但掛酒壺那計盞偶題詩句不須編
忽聞啼鵲驚羈旅江上何人治廢田

孤山寒食

宋

趙師秀

二月芳菲在水邊旅人消困亦隨緣晴舒蝶翅初勻粉
雨壓楊花未放綿有句自題閒處壁無錢難買貴時船
最憐隱者高眠地日日春風是管絃

丁未寒食歸自三泉

金

元好問

春山晴暖紫生煙山下分流百道泉未放小桃裝野景
已看茅屋映秋千飢鳥得食爭相喚醉叟行歌只自顛
寒食明年定何許故人尊酒且畱連

林邨寒食

元戴表元

出門楊柳碧依依木筆花開客未歸市遠無錫供熟食
邨深有芹試生衣寒沙犬逐遊鞍吠落日鴉銜祭肉飛
聞說舊時春賽罷家家鼓笛醉成圍

寒食遊廉園

元張養浩

湖天雨過澹春容
輦路迢迢失軟紅
花柳巧為鶯燕地
管絃遙遞綺羅風
羣仙出沒空明裏
千古銷沈感慨中
免俗未能君莫笑
賞心吾亦與人同

途中寒食

元馬臻

行裝迢遞轉孤城
一路閒吟緩客程
潑火雨晴餚粥冷
落花風暖筍輿輕
感時已悟莊生夢
遺俗空懷介子清
只有啼鵲解人意
平蕪漠漠兩三聲

江邨寒食

明楊基

預折楊枝挿繞簷
萱靡香軟麥餠甜
春衣未染新絲織
午篆猶分舊火添
小雨送花青見萼
輕雷催筍碧抽尖
不因人遠傷離別
那得新愁上短髯

寒食旅懷

明
謝晉

簾外春陰似去年
異鄉寒食倍淒然
梨花香褪空飄雪
楊柳條長不禁煙
無處追隨飛款段
誰家歡笑送秋千
晚來走向東鄰媪
乞與青燈照客眠

五言絕句

辛亥寒食

金元好問

寒食年年好今年迥不同秋千與花影并在月明中

七言絕句

寒食記上作

唐王維

廣武城邊逢暮春汶陽歸客淚沾巾落花寂寂啼山鳥
楊柳青青渡水人

寒食

唐韓翃

春城無處不飛花寒食東風御柳斜日暮漢宮傳蠟燭

輕煙散入五侯家

途中寒食

唐白居易

路旁寒食行人盡，獨占春愁在路旁。
馬上垂鞭愁不語，風吹百草野田香。

寒食夜

唐韓偓

惻惻輕寒剪剪風，杏花飄雪小桃紅。
夜深斜搭鞦韆索，樓閣朦朧煙雨中。

東陽道中作

唐方干

百花香氣傍行人
花底垂鞭日易曛
野火不知寒食節
穿林轉壑自燒雲

丙辰年邠州遇寒食城外醉吟

唐

韋莊

滿街楊柳綠絲煙
畫出清明二月天
好是隔簾花樹動
女郎撩亂送鞦韆

其二

雕陰寒食足遊人
金鳳羅衣濕麝熏
腸斷入城芳草路

淡紅香白一羣羣

其三

雨絲煙柳欲清明
金屋人間暖鳳笙
永日迢迢無一事
隔街聞蹴氣毬聲

山中寒食

宋 林逋

方塘波綠杜蘅青
布穀提壺已足聽
有客新嘗寒具罷
據梧慵復散幽經

寒食夜

宋 蘇軾

漏聲透入碧窗紗人靜鞦韆影半斜沈麝不燒金鴨冷
淡雲籠月照梨花

寒食

金馬定國

燕泥半落烏衣巷柳色全添綠綺窗且伴丁香過寒食
弄晴蝴蝶一雙雙

寒食舟中

元黃潛

東風谿水碧連谿上青蘿獨繫船正是落花寒食夜
水煙沙月又鳴鵲

寒食逢杜賢良飲

明 高 啓

楊柳無煙江水長
鄰家風雨杏餠香
逢君共把金陵酒
忘却今朝在異鄉

都下寒食

明 王穉登

騎馬尋春春尚遲
東風空自向人吹
燕王城裏千株柳
寒食看來未有絲

御定佩文齋詠物詩選卷三十八

欽定四庫全書

御定佩文齋詠物詩選卷三十九

清明類

五言古

清明日詔宴寧王山池

唐張說

今日清明宴佳境惜芳菲
搖楊花雜下嬌轉鶯亂飛
綠渚傳歌榜紅橋渡舞旂
和風偏應律細雨不沾衣
承恩如改火春去春來歸

洛陽清明日雨霽

唐李正封

曉日清明天夜來
嵩少雨千門尚烟火
九陌無塵土酒
綠河橋春漏閒
宮殿午遊人戀芳草
半犯嚴城鼓

七言古

乙卯清明沅州郊行

元曹伯啟

信馬沅江江上路
歷覽芳菲忘故步
因逢古廟說前朝
忽見孤舟橫野渡
二難恨識十年遲
四美豈期今日具
人生能得幾清明
莫對殘陽怨遲暮

清明遊鶴林寺

元薩都拉

青青楊柳啼乳鴉
滿山爛開紅白花
小橋流水過古寺
竹籬茅舍通人家
潮聲捲浪落松頂
騎鶴少年酒初醒
若將何物賞清明
且伴山僧煮新茗

壬子清明看花有感

明楊基

吉祥寺裏千堆錦
綠髮仙人對花飲
腰鼓金盤五色籃
醉歸猶帶花枝寢
東風壬子幾清明
三百年來寺已傾
沙河塘上癡兒女
猶想錢塘太守名
看花我亦逢壬子

況是清明非偶耳莫論東浦與西湖
楚水吳山正相似
青蓮居士識前因
金粟如來是後身
總不能知塵外劫
也須曾是會中人

五言律

清明青龍寺上方得多字

唐皇甫冉

上方偏可適季月況堪過遠近水聲至東西山色多
夕陽留徑草新葉變庭柯已度清明節春秋如客何

清明

唐孫昌裔

清明暮春裏悵望北山陲
燧火開新燄桐花發故枝
沈冥慚歲物歡宴阻朋知
不及林間鳥遷喬並羽儀

清明日狸渡道中

宋范成大

灑灑沾衣雨披披側帽風
花然山色裏柳卧水聲中
石馬立當道紙鷲鳴半空
墻間人散後鳥鳥正西東

五言排律

清明宴司勳劉郎中別業

唐祖詠

田家復近臣行樂不違親
霽日園林好清明烟火新
以

丈嘗會友惟德自成鄰池沼窗陰晚杯觴藥味春簷前
花覆地竹外鳥窺人何必桃源裏深居作隱淪

清明日賜百寮新火

唐韓 滄

朱騎傳紅燭天廚賜近臣火隨黃道見烟遠白榆新榮
耀分他日恩光共此辰更調金鼎味還暖玉堂人灼灼
千門曉暉暉萬井春應憐聚螢者瞻望獨無鄰

清明日賜百寮新火

唐史 延

上苑連侯第清明及暮春九天初改火萬井屬良辰頒

賜恩逾洽承時慶并均翠烟和柳嫩紅燄出花新寵命
尊三老祥光燭萬人太平當此日空復荷陶鈞

清明日賜百寮新火

唐王 濯

御火傳香殿華光及侍臣星流中使馬濯耀九衢人轉
影連金屋分輝麗錦茵燄迎紅蕊發烟染綠條春助律
和風早添爐暖氣新誰憐一寒女猶望照東鄰

七言律

清明登城春望

唐王 表

春城閒望愛晴天何處風光不眼前寒食花開千樹雪
清明日出萬家烟興來促席唯同舍醉後狂歌盡少年
聞說啼鶯却惆悵詩成不見謝臨川

清明日與友人遊玉粒塘庄

唐來鵬

幾宿春山逐陸郎清明時節好風光歸穿細荇船頭滑
醉踏殘花屐齒香風急巔雲翻迴野雨餘田水落方塘
不堪吟罷東回首滿耳蛙聲正夕陽

清明

宋陳與義

雨晴閒步澗邊沙，行入荒林聞亂鴉。
寒食清明驚客意，暖風遲日醉梨花。
書生投老王官谷，壯士偷生漂母家。
不用鞦韆與蹴鞠，只將詩句答年華。

庚辰西域清明

元 耶律楚材

清明時節過邊城，遠客臨風幾許情。
野鳥間關難解語，山花爛熳不知名。
蒲萄酒熟愁腸斷，瑪瑙杯寒醉眼明。
遙想故園今好在，梨花深院鷓鴣聲。

清明日錦堤行樂

元 王 恽

浪說蘭亭禊事脩年年春好錦堤遊花翻舞袖驚歌板
柳隔高城暗酒樓綠樹恐應春事老金鞭重為使君留
竹西路晚歸時醉何處珠簾半上鉤

清明遊陳氏園亭

元洪希文

邨村花柳暗晴川百五時光過客然綠暗園林尚佳節
清明亭館自新烟喜逢熟食傳遺俗怕著新衣學少年
惆悵東闌花似雪人生底處勝樽前

清明呈館中諸公

明高啟

新烟著柳禁垣斜杏酪分香俗共誇
白下有山皆繞郭清明無客不思家
卞侯祠畔迷芳草盧女門前映落花
喜得故人同待詔擬沽春酒醉京華

清明即事

明 瞿 佑

風落梨花雪滿庭今年又是一清明
遊絲到地終無意芳草連天若有情
滿院曉烟聞燕語半窗晴日照蠶生
鞦韆一架名園裏人隔垂楊聽笑聲

七言排律

清明

唐杜甫

朝來新火起新烟，湖色春光淨客船。
繡羽銜花他自得，紅顏騎竹我無緣。
吳童結束還難有，楚女腰肢亦可憐。
不見定王城舊處，常懷賈傅井依然。
虛霑周舉為寒食，實藉君平賣卜錢。
鐘鼎山林各天性，濁醪粗飯任吾年。

七言絕句

清明夜

唐白居易

好風隴月清明夜，碧砌紅軒刺史家。
獨遠迴廊行復歇。

遙聽絃管暗看花

清明日

唐元稹

當年寒食好風輕
觸處相隨取次行
今日清明漢江上
一身騎馬縣官迎

清明日

唐李建勳

他皆攜酒尋芳去
我獨關門好靜眠
惟有楊花似相覓
因風時復到牀前

清明舟次吳門

宋沈與求

篷窗恰受夕陽明楊柳梨花半月程老去不知寒食近
一篙烟水載春行

清明

宋 陳與義

街頭女兒雙髻鴉隨蜂趁蝶學妖邪東風也作清明節
開遍來禽一樹花

清明插柳

宋 宋伯仁

清明是處插垂楊院宇深深綠翠藏心地不為塵俗累
不簪楊柳又何妨

清明日風雨淒然舟泊東林西澣步過伯璇微

君高齋焚香淪茗出示燕文貴秋山蕭寺圖

展玩良久因賦一絕

元倪瓚

野棠花落過清明春事怱怱夢裏驚
倚棹微吟沙際路半江烟雨暮潮生

清明日留西山

元范梈

離家六度見清明知是何時出帝京
今日登臨倍惆悵好山多似豫章城

清明前一日作

明 鎬 煥

小窓新綠著枝輕
寒逐東風陣陣生
燕子不來花落盡
一簾疎雨又清明

清明

明 葛一龍

今日還留昨日寒
一年春又客中拚
太湖石畔柴門影
魚啞飛花上釣灘

清明日偶成

明 袁宗

窓下脩書寄遠人
燕泥時復浣衣巾
東風催下清明雨

鶯老花殘又一春

御定佩文齋詠物詩選卷三十九

欽定四庫全書

御定佩文齋詠物詩選卷四十

上巳類

四言古

太康六年三月三日後園會

晉張華

暮春元日陽氣清明
初和甘雨膏澤流盈
習習祥風啟滯
導生禽鳥翔逸
卉木滋榮纖條被綠
翠華含英

其二

於皇我后欽若昊乾順時省物言觀中園讌及羣辟乃
命乃延合樂華池祓濯清川汎彼龍舟泝游洪源

其三

朱幕雲覆列坐文茵羽觴波騰品物備珍管絃繁會變
用奏新穆穆我皇臨下渥仁訓以慈惠詢納廣神好樂
無荒化達無垠

平吳後三月三日華林園詩

晉王濟

蠶爾長地荐食江汜我皇神武汎舟萬里迅雷電邁弗

及掩耳思樂華林薄采其蘭皇居偉則芳園巨觀仁以
山悅水為智歡清池流爵秘樂通元修冒灑鱗大庖妙
饌物以時序情以化宣終溫且克有肅初筵嘉賓在茲
千祿永年

上巳會詩

晉阮修

三春之季歲惟嘉時靈雨既零風以散之英華扇耀祥
鳥羣嬉澄澄綠水澹澹其波修岸逶迤長川相過聊且
逍遙其樂如何坐此修筵臨波素流嘉肴既設舉爵獻

酬彈箏弄琴新聲上浮水有七德知者所娛清瀨澆澆
菱葭芬敷沈此芳鉤引彼潛魚委餌芳美君子戒諸

三月三日應詔

晉問丘冲

浩浩白水汎汎龍舟皇在靈沼百辟同遊擊櫂清歌鼓
枻行酬聞樂咸和具醉斯柔在昔帝虞德被遐荒干戚
在庭苗民來王今我哲王古聖齊芳惠此中國以綏四
方元首既明股肱惟良樂酒今日君子惟康

三月三日

晉孫綽

姑洗幹運首陽穆闡嘉卉萋萋溫風暖暖言滌長瀨聊
以游衍縹蒨流綠柳蔭坂羽從風飄鱗隨浪轉

三月三日侍宴西池詩

宋 謝靈運

詳觀記牒鴻荒莫傳降及雲鳥曰聖則天虞承唐命周
襲商艱江之永矣皇心惟眷矧乃暮春時物芳行濫觴
逶迤周流蘭殿禮備朝容樂闋夕宴

三日侍宴曲水代人應詔

齊 謝朓

神理內寂機象外融遺情汾水垂冕鴻宮樹以司牧匪

我求蒙徒勤日用誰契元功
當宁曰昃求衣未明抵
辟焚翠銷劒隳城九疇式叙三辟載清
麗景則春儀
方在震重聖積厚金式瓊潤
被穢河浦張樂春疇既
傳龍駕亦泛鳧舟
初鶯命曉朝華開夜飾陞導源迴
伊流灞間館巖敞長廊水架
金觴搖蕩玉俎推移筵
浮水豹席擾雲螭歡茲廣宴穆是天儀

三日侍鳳光殿曲水宴應制

梁沈約

光遲蕙畝氣婉椒臺皇心愛矣帝曰游哉玉鸞徐警翠

鳳輶迴別殿廣臨離宮洞啟川祗奉壽河宗相禮清洛
漸筵長伊流陞洄盪嘉羞搖漾芳醴輕歌易繞弱舞難
持素雲留管玄鶴停絲引思為歲歲亦陽止叨服賁身
身亦昌止徒勤丹漆終愧文梓

五言古

三月三日臨曲水

晉庾闡

暮春濯清汎遊鱗泳一壑高泉吐東岑洄瀾自淨衆臨
川疊曲流豐林映綠薄輕舟沈飛觴鼓枻觀魚躍

三月三日

庾闡

心結湘川渚目散冲霄外
清泉吐翠流淥醑漂素瀨悠
想盼長川輕瀾渺如帶

三月三日曲水集

宋謝瞻

四時著平分三春稟融鑠
遲遲和景婉天天園桃灼携
朋適郊野昧爽辭廊廊蜚雲興
翠嶺芳飈起華薄解轡
偃崇丘藉草繞迴壑際渚羅時
藪託波汎輕爵

上巳侍宴林光殿曲水

梁簡文帝

芳年留帝賞，應物動天襟。
袂苑連金陣，分衢度羽林。
帷宮對廣掖，層殿過高岑。
風旗爭曳影，亭皋共生陰。
林花初墮蒂，池荷欲吐心。

三日侍蘭亭曲水宴

梁庾肩吾

策星依夜動，鑾駕忽朝遊。
旌門臨苑樹，相風出鳳樓。
春生露泥泥，天覆雲油油。
桃花舒玉澗，柳葉暗金溝。
袂川分曲洛，帳殿掩芳洲。
踴躍鰓魚出，參差絳棗浮。
百戲俱臨水，千鍾共逐流。

三日侍林光殿曲水宴

梁沈約

宴鑄鏘玉鑾游汾舉仙輶榮光泛采旄修風動芝蓋淑
氣婉登晨天行聳雲旆帳殿臨春籞帷宮繞芳薈漸席
周羽觴分池引迴瀨穆穆玄化昇濟濟皇階泰將御遺
風軫遠侍瑤臺會

三日侍華光殿曲水宴

梁劉孝綽

薰被三陽暮濯禊元巳初皇心騰樂飲帳殿臨春渠豫
遊高夏諺凱樂盛周居復以焚林日丰茸花樹舒羽觴

環堦轉清瀾傍席疏妍歌已嘹亮妙舞復紆餘九成變
絲竹百戲起龍魚

三日侍安成王曲水宴

劉孝綽

滙澤良孔殷分區屏中縣躡跨蕪流采襟喉邇封甸吾
王奄鄴畢析圭承羽傳不資魯俗移何待齊風變東山
富遊士北土無遺彥一言白璧輕片善黃金賤餘辰屬
上已清祓追前諺持此陽瀨遊復展城隅宴芳洲亘千
里遠近風光扇方歡厚德重誰言薄遊倦

被袂泛舟春日元園各賦七韻

陳後主

園林多趣賞被袂樂還尋春池已渺漫高枝自從森日
裏絲光動水中花色沈安流淺易榜峭壁迴難臨野鶯
添管響深岫接鏡音山遠風烟麗苔輕激浪侵置酒來
英雅嘉賢良所欽

三日侍宴宣猷堂曲水

陳江總

上巳娛春袂芳辰喜月離北宮命簫鼓南館列旌麾繡

柱擎飛閣雕軒傍曲池醉魚沈遠岫浮棗漾清漪落花
懸度影飛然不礙枝樹動丹樓出山斜翠磴危禮周羽
爵徧樂闋光陰移

上巳禊飲

隋
盧思道

山泉好風日城市厭鶯塵聊持一樽酒共尋千里春餘
光下幽桂夕吹舞青蘋何言出關後重有入林人

上巳浮江宴韻得陟字

唐
王勃

披觀玉京路駐賞金臺趾逸興懷九仙良辰傾四美松

唼白雲際桂馥青谿裏別有江海心日暮情何已

三月三日寄諸弟兼懷崔都水

唐 韋應物

暮節看已謝茲晨愈可惜風澹意傷春池寒花斂夕對
酒始依依懷人還的的誰當曲水行相思尋舊跡

上巳日

唐 劉 駕

上巳曲江濱喧于市朝路相尋不見者此地皆相遇日
光去此遠翠幕張如霧何事歡娛中易覺春城暮物情

重此節不是愛芳樹明日花更多何人肯回顧

上巳日杭州府學教授徐一夔四齋訓導拉遊

智果寺訪東坡題參寥泉 元張昱

佳遊在上巳屬此清明前春景已云晏風光猶未暄往
尋智果寺竟得參寥泉雲物豈殊昔人世自更遷邈哉
長公詠高吟憶當年我輩復登臨花界何因緣古佛儼
香閣真詮積華軒境超萬念空道勝諸妄捐緬懷此會
難徘徊未云還申章續芳藻與或來者傳

七言古

上巳華光殿

梁沈約

於維盛世接軒媯朝鄴宴鎬復在斯朝光灼灼映蘭池
春風宛轉入細枝時鶯顧慕聲合離輕波微動漾羽卮
河宗海若生蛟螭浮梁徑度跨迴漪朱顏始淪景將移
安得壯士駐奔曦

上巳日與二三子携酒出遊隨所見輒作數句

明日集之為詩故詞無倫次

宋蘇軾

薄雲霏霏不成雨
杖藜曉入千花塢
柯丘海棠吾有詩
獨笑深林誰敢侮
三杯卯酒人徑醉
一枕春睡日停午
竹間老人不讀書
留我閉門誰教汝
出檐藂枳十圍大
寫真素壁千蛟舞
東坡作塘今幾尺
携酒一勞農工苦
却尋流水出東門
壞垣古塹花無主
卧開桃李為誰妍
對立鵲鵲相媚嫵
開餅藉草勸行路
不惜春衫汙泥土
褰裳共過春草亭
叩門却入韓家園
輓轡繩斷井深碧

鞦韆索掛人何所映簾空復小桃枝乞漿不見簷門女
南上古臺臨斷岸雪陣翻空迷仰俯故人饋我玉葉羹
火冷烟銷誰為煮崎嶇東緼下荒徑姪姪隔花聞好語
更隨落景盡餘尊却傍孤城得僧宇主人勸我洗足眠
倒牀不復聞鐘鼓明朝門外泥一尺始悟三更雨如許
平生所向無一遂茲遊何事天不阻固知我友不終窮
豈弟君子神所予

五言律

三日梨園侍宴

唐沈佺期

九重馳道出上已禊堂開
畫鷁中川動青龍上苑來
野花飄御座河柳拂天杯
日晚迎祥處笙鏞下帝臺

三月三日申王園亭宴集

唐張九齡

稽亭追往事睢苑勝前聞
飛閣凌芳樹華池落綠雲
藉草人留酌銜花鳥赴羣
向來同賞處惟恨碧林曛

洛中寄王九迴

唐孟浩然

卜洛成周地浮杯上已筵
鬪雞寒食下走馬射堂前
垂

柳金堤合平沙翠幕連不知王逸少何處會羣賢

上巳日徐司錄林園宴集

唐杜甫

鬢毛垂領白花蕊亞枝紅散倒衰年廢招尋令節同薄
衣臨積水吹面受和風有喜留攀桂無勞問轉蓬

奉陪侍中上巳泛渭河

唐盧綸

素舸錦帆開浮天接上台晚鶯和玉笛春浪動金罍舟
楫方浮海鯨鯢自曝腮應憐似萍者空逐榜人回

上巳恩賜曲江宴會即事

唐白居易

賜歡仍許醉此會興如何翰苑主恩重曲江春意多花
低羞豔妓鶯歌讓清歌共道昇平樂元和勝永和

三日贈都上人

唐殷克藩

三月初三日千家與萬家蝶飛秦地草鶯入漢宮花鞍
馬皆爭麗笙歌盡闌奢吾師無所願惟願老烟霞

三月三日作

明許宗魯

上巳今朝是風光異往時海雲成雪易塞柳得春遲目
極關山道情懸曲水詩誰能修禊飲一浣望鄉思

五言排律

三月三日曲江侍宴

唐 趙良器

聖祖發神謀靈符叶帝求一人光錫命萬國荷時休雷
解園丘蹕雲需曲水游岸花迎步輦仙仗擁行舟睿藻
天中降恩波海外流小臣同品物陪此樂皇猷

奉和上巳祓禊

唐 崔國輔

元已秦中節吾君灞上遊鳴鑾通禁苑別館繞芳洲鸛
鷺千官列魚龍百戲游桃花春欲盡穀雨夜來收慶向

堯樽祝歡從楚棹謳逸詩何足對睿作掩東周

三月三日勤政樓侍宴

唐王維

綵仗連宵合瓊樓拂曙通年光三月裏宮殿百花中不
數秦王日誰將洛水同酒筵嫌落絮舞袖怯春風天保
無為德人歡不戰功仍臨九衢宴更達四門聰

奉和聖製與太子諸王三月三日龍池春禊

王維

故事修春禊新宮展豫遊明君移鳳輦太子出龍樓賦

卷四十一
掩陳王作杯如洛水流金人來捧劒畫鷁去迴舟苑樹
浮宮闕天池照冕旒宸章在雲表垂象滿皇州

三月三日曲江侍宴應制

王維

萬乘親齋祭千官喜豫遊奉迎從上苑袂袂向中流草
樹連容衛山河對冕旒畫旗搖浦溆春服滿汀洲仙籟
龍媒下神臯鳳蹕留從今億萬歲天寶紀春秋

奉和聖製上巳於望春亭觀禊飲

王維

長樂青門外宜春小苑東樓開萬井上輦過百花中畫
鷁移仙仗金貂列上公清歌邀落日妙舞向春風渭水
明秦甸黃山入漢宮君王來被袂灞澹亦朝宗

上巳泛舟

唐張登

令節推元已天涯喜有期初筵臨泛地舊俗被禳時枉
渚潮新上殘春日正遲竹枝遊女曲桃葉渡江詞風鷁
今方退沙鷗亦未疑且同山簡醉倒載莫褰帷

三月三日被袂洛濱

唐白居易

三月草萋萋黃鶯歌又啼柳橋晴有絮沙路潤無泥
襖事修初半遊人到欲齊金鈿耀桃李絲管駭鳬鷺轉岸
迴船尾臨流簇馬蹄鬧翻楊子渡踏破魏王堤妓接謝
公宴詩陪荀令題舟同李膺泛醴為穆生携水引春心
蕩花牽醉眼迷塵街從鼓動烟樹任鴉棲舞急紅腰軟
歌遲翠黛低夜歸何用燭新月鳳樓西

上巳飲于湖上

宋孔平仲

城南春已老湖上雨初晴草作忘憂綠風為解愠清楊

花輕欲下菱葉細方生酒影低雲木歌聲伴畫鶯賞心
殘蕊在幽曲小舟橫却笑蘭亭會吟詩半不成

上巳

明楊基

暖日風雱好晴江袂袂過徑穿花底窄春向水邊多穠
艷羞桃李輕軀稱綺羅髻搖金婀娜鞍覆錦盤陀曲浪
留紋羽峨峰進紫駝遊人傾巷陌啼鳥避笙歌坐障陰
圓柳行茵軟藉莎漱酣香泛渚滌器膩浮波富貴唐天
寶風流晉永和暮歸車馬鬧珠翠落平坡

七言律

三月三日詔宴定昆池官莊

唐張說

鳳凰樓下對天泉
鸚鵡洲中匝管絃
舊識平陽佳麗地
今逢上巳盛明年
舟將水動千尋日
幕共林橫兩岸烟
不降王人觀禊飲
誰令醉舞拂賓筵

和上巳連寒食有懷京洛

唐孫逖

天津御柳碧遙遙
軒騎相從半下朝
行樂光輝寒食借
太平歌舞晚春饒
紅粧樓下東郊道
青草洲邊南渡橋

坐見司空掃西第看君侍從落花朝

上巳日越中與鮑侍御泛舟耶谿

唐劉長卿

蘭橈緩轉傍汀沙應接雲峰到若耶
舊浦滿來移渡口
垂楊深處有人家永和春色千年在
曲水鄉心萬里賒
君見漁船時借問前洲幾路入烟花

三月三日義興李明府後亭泛舟

唐皇甫冉

江南烟景復如何聞道新亭更可過處處藝蘭春浦綠
萋萋藉草遠山多壺觴須就陶彭澤時俗猶傳晉永和
更使輕橈徐轉去微風落日水增波

上已

宋韓琦

遠道今逢被袂辰雨餘風物一番新等閒臨水還思舊
取次看花便當春絮雪暖迷西苑路車雷晴起曲江塵
臺英正約尋芳會誰是山陰作序人

三日赴宴口占

宋歐陽修

賜飲初逢禊節佳
昆池新漲碧無涯
九門寒食多遊騎
三月春陰正養花
共喜流觴修故事
自憐霜鬢惜年華
鳳城殘照歸鞍晚
禁籞無風柳自斜

三月三日泊虞山下步尋等慈師不遇

明
程嘉燧

草堂寂歷自禪居
山下春光正祓除
鄰犬人歸纖月夜
水魚風落妙香初
蕭疎遠岫雲林畫
映帶清流內史書
乘興尋師相賞處
筆牀經案獨躊躇

七言絕句

奉和三日被袂渭濱

唐李乂

上林花鳥暮春時
上已陪遊樂在茲
此日欣逢臨渭賞
昔年空道濟汾詞

上已日被袂渭濱應制

唐韋嗣立

乘春被袂逐風光
扈蹕陪鑾渭渚傍
還笑當時水濱老
衰年八十待文王

上已日被袂渭濱應制

唐沈佺期

寶馬香車清渭濱
紅桃碧柳禊堂春
皇情尚憶垂竿佐
天瑞先呈捧劍人

三月三日定昆池奉和蕭令得潭字韻

唐張說

暮春三月日重三
春水桃花滿禊潭
廣樂逶迤天上下
仙舟搖衍鏡中酣

三日尋李九莊

唐常建

雨歇楊林東渡頭
永和三日盪輕舟
故人家在桃花岸

直到門前溪水流

上巳上浙東孟中丞

唐鮑溶

世間禊事風流處鏡裏雲山若畫屏
今日會稽王內史
好將賓客醉蘭亭

上巳日憶江南禊事

唐李德裕

黃河西繞郡城流
上巳應無祓禊遊
為憶淶江春水色
更隨宵夢向吳洲

到江西省看花次韻

明楊基

東湖東畔柳絲長滿苑飛花亂夕陽何處被除兒女散
過來流水鬱金香

附曲水

四言古

侍宴樂遊林光殿曲水

梁 劉孝威

蒸哉軒頊赫矣堯心女媧補石重華衆金湯銘禹扇羲
瑟農琴皇乎備矣受命君臨試舟五反和樂九成鉤楯
秘戲協律新聲丹柱水激絳彩葩榮天吳還往海若逢

迎

七言古

春日曲水

北齊
蕭 慤

落花無限數飛鳥
排花度禁苑至饒
風吹花春滿路巖
前片石迴如樓水
裏連沙聚作洲二
月鶯聲纔欲斷三
月春風已復流分
流繞小渡塹水還
相注山頭望水雲
水底看山樹舞餘
香尚存歌盡聲猶
住麥壟一鷺輦菱
潭兩飛鷺飛鷺復
驚輦傾曦帶掩扉
芳飈翼還憶藻露

挹行衣

御定佩文齋詠物詩選卷四十